



Broj: 27-05-8918/16
Sarajevo, 26.4.2016 godine

SKUPŠTINA KANTONA SARAJEVO

-Ovdje -

Zastupnica Bibija Kerla, na 13. Radnoj sjednici Skupštine Kantona Sarajevo, održanoj dana 30.03.2016 godine, u okviru tačke Dnevnog reda, "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, postavila je zastupničko pitanje.

Zastupničko pitanje je slijedećeg sadržaja:

"Ovih dana me zvalo mnogo građana i tražilo od mene da do resornog ministarstva tražim odgovor na pitanje zašto je voda sa izvorišta Bačići toliko hlorisana. Je li to znak da je voda hlora zagađena da se moraju stavljati ogromne količine hlora. Znamo da je mala količina hlora bezopasna ali veće količine tih supstanci takođe su štetne pa tražimo odgovor na ovo pitanje?"

U skladu sa stavom Vlade Kantona Sarajevo da odgovore na poslaničko/zastupničko pitanje ili inicijativu daje resorno ministarstvo, Ministarstvo komunalne privrede i infrastrukture Kantona Sarajevo blagovremeno daje slijedeći,

- odgovor -

U skladu sa odredbama Poslovníka Skupštine Kantona Sarajevo – Drugi novi prečišćeni tekst ("Službene novine Kantona Sarajevo", broj: 41/12 i broj 15/13, 47/13) ovaj odgovor dostavljamo u pisanom obliku Predsjedateljici Skupštine Kantona Sarajevo kako bi isti bio dostavljen zastupnici Kerla, kao i ostalim zastupnicima u Skupštini.

Ministarstvo komunalne privrede i infrastrukture Kantona Sarajevo je dana 13.04.2016 godine nakon dostavljanja zastupničkog pitanja u skladu sa svojim nadležnostima, predmetnim aktom broj:



27.05.8918 isto dostavilo KJKP "Vodovod i Kanalizacija" d.o.o. Sarajevo, preduzeću za proizvodnju i distribuciju vode, odvođenje i prečišćavanje otpadnih voda, i zatražili odgovor.

U skladu sa navedenim, uprava preduzeća KJKP "Vodovod i Kanalizacija" d.o.o. Sarajevo je traženi odgovor dostavila, a koji u cijelosti svog sadržaja prenosimo u izvornom obliku:

U sistemu javnog vodosnabdijevanja grada Sarajeva u nadležnosti KJKP "Vodovod i Kanalizacija" d.o.o. Sarajevo, ne postoje izvorište Bačići. Pitanje se najvjerovatnije odnosi na izvorište Bačevo – najveće izvorište vode za piće u Sarajevu.

U postavljenom pitanju se polazi od tvrdnje da se u vodu dodaju ogromne količine hlora. Ova tvrdnja nije tačna i iz pitanja nije jasno na osnovu čega je ta tvrdnja postavljena. S obzirom da je u medijima bilo informacija da je voda u Sarajevu previše hlorisana i da se to vidi po bijeloj boji vode i s obzirom da često imamo upite o visokoj koncentraciji hlora zbog bijele boje vode od strane građana, ovim putem Vas obavještavamo da je bijela boja vode ne može poticati od hlora u vodi, bez obzira na koncentraciju hlora. Bijela boja potiče od sitnih mjehurića vazduha u vodi. Izvorište Bačevo je izvorište podzemnih voda koje su na samom vodozahvatu zdravstveno ispravne a minimalna hlorinacija se vrši iz preventivnih razloga da bi se očuvala zdravstvena ispravnost vode u toku transporta kao i nakon isporuke vode našim korisnicima, a sve u skladu sa Pravilnikom o zdravstvenoj ispravnosti vode za piće. Maksimalno dozvoljena koncentracija hlora u vodi za piće prema Pravilniku iznosi 0,5 mg/L a koncentracija hlora u sistemu javnog vodosnabdijevanja u gradu Sarajevu iznosi oko 0,3 mg/L.

Hlor u vodi može biti štetan ukoliko voda sadrži veću količinu određenih organskih supstanci sa kojima hlor može grditi štetne nus-prodakte hlorinacije. Međutim, kvalitet vode na izvorštima u sistemu javnog vodosnabdijevanja u gradu Sarajevu je takav da ne postoji opasnost od ugrožavanja zdravstvene ispravnosti vode usljed eventualnog formiranja štetnih nus-produkata hlorinacije. Naša laboratorija vrši kontrolu prisustva nus-produkata hlorinacije u vodi, a naši rezultati, kao i rezultati analiza vode koje smo slali u inostranstvo, potvrđuju da hlorinacija vode u našem sistemu, ne izaziva nikakve štetne efekte po ljudsko zdravlje.

S poštovanjem,



MINISTAR
Senad Hasanspahić

Dostaviti:

1. Naslovu
2. Stručna služba Vlade Kantona Sarajevo
3. Evidencija
4. Arhiva



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1

